

UDRUŽENJE
AARHUS
CENTAR U BIH



Behdžeta Mutevelića 39
71 000 Sarajevo
Bosna i Hercegovina
tel./ fax: +387 33 66 05 88

www.aarhus.ba
email: admin@aarhus.ba
ID: 4201845580006
ASA Banka d.d. Sarajevo:
1340011130086160

Broj: 02- 233 /23
Sarajevo, 15.5.2023. god.

БОСНА И ХЕРЦЕГОВИНА
МИНИСТАРСТВО ПРАВДЕ
САРАЈЕВО

19-05-2023

Број документа	Класификациона ознака	Редни број	Број прилога
09-07-30-			23

-Ministarstvo pravde BiH-
Trg BiH 1, Sarajevo 71000, Bosna i Hercegovina

P R E D M E T: Dostava Izvještaja o radu Udruženja za 2022.

Poštovani,

U prilogu vam dostavljamo usvojeni Izvještaja o radu Udruženja za 2022., zajedno sa zapisnikom i spisikom učesnika sa prve održane, redovne sjednice Udruženja.

S poštovanjem,

Prilozi:

- Izvještaj o radu Udruženja ta 2022.godinu;
- Zapisnik sa prve redovne sjednice Udruženja i
- Spisak učesnika sa prve redovne sjednice Udruženja.

Dostaviti:
-naslovu;
-a/a.



Izvršna direktorica Udruženja "Aarhus centar u BiH:"

Emina Veljović, LLB, M.A.



**UDRUŽENJE “RESURSNİ AARHUS CENTAR U BIH”
 (“AARHUS CENTAR U BIH”)**

IZVJEŠTAJ O RADU ZA 2022. GODINU

➤ SKUPŠTINI UDRUŽENJA

Sarajevo, maj 2023. godine



I. Općenito o Aarhus centru

Konvencija o pristupu informacijama, učešću javnosti i pristupu pravdi u pitanjima okoliša – Aarhuska konvencija predstavlja međunarodni pravni okvir u području zaštite okoliša. Ovim dokumentom utvrđuju se prava u vezi zaštite okoliša, formiranjem veze između odgovornosti javnih organa i zaštite okoliša, jer je usmjerena na demokratsku saradnju javnosti s javnim organima na način da se uvodi novi postupak sudjelovanja javnosti u dogovaranju i sprovedbi međunarodnih sporazuma.

Bosna i Hercegovina Aarhusku konvenciju je ratificirala 2008. godine, što predstavlja pozitivan napredak u naporima da se harmonizira domaća legislativa sa EU *acquis communautaire*om. Ova Konvencija široko definira obaveze svih javnih upravnih organa u zemljama potpisnicama, a činom ratifikacije u BiH nametnuta je obaveza svim nivoima administracije da uspostave mehanizme za njeno sprovođenje. Međutim, administrativni kapaciteti svih segmenata i nivoa javne uprave u BiH su nedovoljni za dosljednu primjenu Konvencije. Svrha postojanja Aarhus centra je da educiranjem ciljnih skupina i u suradnji sa nadležnim institucijama unaprijede procese informiranja javnosti; njihovog uključivanja u donošenje odluka; i pristupa pravdi u pitanjima zaštite okoliša te na taj način doprinose u primjeni Aarhuske konvencije u BiH.

Aarhus centar je prvobitno osnovan u sklopu projekta OSCE-a, u saradnji Grada Sarajevo i OSCEa, u maju 2012. godine. Početkom 2013. godine ovaj Centar je registriran kao samostalna nevladina organizacija pod nazivom Udruženje "Resursni Aarhus centar u BiH" (skraćeno "Aarhus centar u BiH").

Udruženje "Aarhus centar u BiH" ispunjava svoju misiju tako što:

- ✓ Pomaže organima vlasti da ispunjavaju obaveze i dužnosti navedene u Aarhuskoj Konvenciji;
- ✓ Promovira uvođenje propisa i metoda usmjerenih na omogućavanje pristupa informacijama, učešće javnosti i pristup pravosuđu u oblasti okoliša;
- ✓ Predstavlja most između državnih organa, civilnog društva, privrede i javnosti;
- ✓ Podstiče primjenu Konvencije tako što razvija svijest i sposobnosti zainteresiranih strana;
- ✓ Služi široj zajednici pružajući joj usluge iz svog polja djelovanja; i sl.

II. Aktivnosti Udruženja "Aarhus centar u BiH" (AC SA) u 2022. godini:

U 2022. godini Aarhus centar Sarajevo implementirao je 6 projekta, 2 su još uvijek u toku, te mnoštvo dugih aktivnosti usmjerenih na unapređenje okoliša i vladavine prava u Bosni i Hercegovini.

• Misli o prirodi! Eko HUB Sarajevo

Realizacija projekta Misli o prirodi!-Eko HUB Sarajevo je započela u junu 2020. godine. Projekat je trajao do 31.07.2022. godine. Donator je Švedska a implementator Centar za promociju civilnog društva (CPCD). U sklopu projekta, Aarhus centar u BiH je postao dio mreže Eko HUB-ova i time postao Eko HUB Sarajevo. **Iznos donacije je bio: 60.000 KM.** Projektom je planirano djelovanje isključivo u šest sljedećih općina: općina Novo Sarajevo; općina Novi Grad Sarajevo; općina Centar; općina Ilidža; općina Istočno Novo Sarajevo i općina Pale. U sklopu projekta planirano je



pokretanje **15 inicijativa**, i to tri vezane za problematiku zagađenja zraka, tri inicijative vezane za problematiku zaštite voda i rijeka, tri vezano za problematiku nepropisnog odlaganja otpada, tri vezano za adekvatnu zaštitu zaštićenih područja, te tri vezano za problematiku uništavanja zelenih površina zbog ubrzane urbanizacije. U sklopu projekta je nabavljena nova oprema i to dva laptopa i jedan printer/skener. Aarhus centar u BiH je u sklopu projekta uspješno sproveo svih **(15) pokrenutih** inicijativa, poput : Inicijativa i takmičenje "Pronađimo zajedno rješenja: Planeta je naše dvorište!", Inicijativa za ubrzanje usvajanja Prijedloga zakona o zaštiti okoliša FBiH, s obzirom da je Dom naroda Parlamenta FBiH najzad usvojio ovaj zakon; Inicijativa za istraživanje vrsta (ihtiofauna) u Kasindolskoj rijeci, radi osiguravanja zaštite prirodnog područja; Inicijativa: "Pronađimo zajedno rješenja: Čist zrak u Sarajevu!"; Inicijativa: "Pronađimo zajedno rješenja: Zaustavimo klimatske promjene!"; Inicijativa za zaštitu prirodnih područja na teritoriji opštine Pale; Inicijativa za brisanje MHE iz Prostornog plana grada Istočno Sarajevo; Inicijativa-moratorijum na MHE u Istočnom Sarajevu uz pomoć predstavnika vlasti i sl.

U sklopu inicijative za zaštitu Kasindolske rijeke, pružena je kontinuirana pravna pomoć, te su od strane Okružnog suda Banja Luke usvojene sve četiri tužbe Aarhus centra, kojim su poništene 3 ekološke dozvole za MHE na Kasindolskoj rijeci i jedna građevinska dozvola. Pružena je pravna pomoć prilikom organizacije protesta, te je sačinjen niz dopisa za nadležnu inspekciju u cilju kontrole predmetnog lokaliteta. U odnosu na presudu Vrhovnog suda RS-a, a koji je odbacio presudu Okružnog suda Banja Luka vezano za ishoduvanu ekološku dozvolu za MHE "Podivič", uložena je apelacija Ustavnom sudu BiH tokom jula 2022. godine.

U okviru projekta održan je i sastanak sa predstavnicima grupe "Spas u zadnji čas – Spasimo Dobrinju", te je ovoj neformalnoj grupi građana pružena pravna pomoć prilikom izrade teksta građanske inicijative, a takođe su uložene žalbe na urbanističke suglasnosti, dozvolu za građenje i okolinsku dozvolu. Nakon toga, uložene su i dvije tužbe Kantonalnom sudu Sarajevo, na urbanističku i građevinsku dozvolu.

U sklopu aktivnosti Aarhus centar u BiH je redovno izvještavao CPCD o planiranim kao i o sprovedenim aktivnostima te dostavljao vijesti/saopštenja, fotografije i sl. kao i promovisao projekat putem medija i društvenih mreža. Tokom implementacije ovog projekta više od 40 domaćih i stranih medija su pratili aktivnosti i izvještavali o progresu; objavljeno je više od 30 Saopštenja i više od 100 fotografija i 5 videa sa događaja na web stranici i društvenim mrežama ACSA; kao i putem socijalnih mreža. Također, aktivnosti su popraćene gostovanjem u TV esmisijama poput Agroekologika, BHRT, emsija Hayat TV, TVSA i sl.

Međutim, došlo je do produženja projekta do 31.03.2024. iz dvije faze, i to prava faza od 1.9.2022. do 1.12.2022. sa donacijom **u iznosu od 7.000 KM**, te druga faza od 1.12.2022. do 31.03.2024. u **iznosu od 55.000 KM**. U prvoj fazi produžetka, samo nastavili na aktivnostima prvobitnog projekta i djelovanje na lokalnom nivou. Međutim, u drugoj fazi, donator je dozvolio djelovanje Eko HUB-a Sarajevo na području cjele teritorije BiH. Tako da će, između ostalog, u drugoj fazi, Eko HUB Sarajevo kreirati i zagovarati usvajanja Nacrta zakona o građanskoj inicijativi i zaštiti građana i aktivista na nivou Federacije BiH, lobirati usvajanja novog Zakona o upravljanju otpadom FBiH, pružati pravnu pomoć u najmanje osam (8) novih slučajeva, pokrenuti zagovaračku kampanja za rješavanje problema dva (2) slučaja ilegalne deponije i sl.

- **G-2204-63801**

Sa realizacijom projekta pod nazivom "G-2204-63801" smo počeli u junu 2022. godine koji traje do 31.maja 2023. godine. Udruženje "Aarhus centar u BiH" je imalo za cilj da izvrši pritisak na vlasti i



Elektroprivredu BiH da poštuju zakonske obaveze ali i izdate dozvole za rad postojeće deponije šljake i pepela "Jezero II" TE Tuzla, kao i za zatvaranje deponije šljake i pepela Plane I i Divkovići I i II (tj. ispravna sanacija lokacije za odlaganje pepela, pravilno prečišćavanje vode koja se koristi za transport pepela, itd.). Ovo će dovesti do povećanja operativnih troškova postojećih termoelektrana za ugalj i time smanjiti jaz između cijena električne energije proizvedene od uglja i električne energije iz obnovljivih izvora. Također, u sklopu projekta je cilj i zaustavljanje projekta gradnje Bloka 7 TE Tuzla budući da je isti potpuno neisplativ za Bosnu i Hercegovinu sa čim su vlasti jako dobro upoznate. Energetska budućnost BiH treba da bude u obnovljivim izvorima energije, a ne izgradnja novih termoblokova. Za realizaciju pomenutih ciljeva, do sada smo uputili 30 zahtjeva za pristup informacijama, 5 žalbi, 2 tužbe, te smo zaprimili 2 **pozitivne presude Vrhovnog suda FBiH**. Također, u sklopu ovog projekta Aarhus centar Sarajevo učestvovao je u postupku učešća javnosti pri donošenju odluka. Projekat se realizira uz podršku Evropskog klimatskog fonda. **Ukupni budžet projekta je: 49,300.00 eura.**

- **Prekini lanac korupcije: "Pusti rijeku neka teče!"**

Projekat je trajao od 1.1.2021. do 30.8.2022. Finansirao ga je USAiD a impementirali su Centri civilnih inicijativa (CCI) , a Aarhus centar u BiH je dobio grant **u iznosu od 50.000\$** .

Kroz projekat su definisani opšti i specifični ciljevi kako slijedi:

Opšti cilj: Doprinijeti smanjenju korupcije u hidroenergetskom sektoru u Bosni i Hercegovini, posebno u kontekstu realizacije zabrane odnosno moratorijuma na izgradnju svih MHE u BiH sa posebnim akcentom na Republiku Srpsku, te osiguravanje neometane realizacije već predviđene zabrane izgradnje, odnosno moratorijuma u Federaciji BiH, putem targetiranja načina ishodovanja neophodnih dozvola za izgradnju malih hidroelektrana (MHE).

Specifični ciljevi: Sprovođenje specifičnih antikoruptivnih akcija, podržavanjem građanskih akcija, zagovaračkih kampanja i inicijativa u borbi protiv korupcije tokom izgradnje MHE u BiH. Da bi se realizirali pomenuti ciljevi kao i predviđeni rezultati planirane su sljedeće ključne aktivnosti:

1. Uticati na nadležne entitetske institucije i donosiocce odluka da izmjene i/ili usvoje legislative u hidroenergetskom i okolišnom sektoru u oba entiteta kojom bi se omogućilo smanjenje prostora za koruptivne radnje u odnosu na izgradnju MHE.
2. Podržati građanski aktivizam i lokalne inicijative u tri konkretna slučaja borbe protiv korupcije tokom izgradnje MHE u BiH.

Rezultati koji su planirani na projektu su sljedeći:

R1: Zaustavljena ili usporena tri (3) lokalna koruptivna projekta izgradnje hidroelektrana u Bosni i Hercegovini kroz pokretanje pravnih procedura i zagovaračkih kampanja/akcija – *kratkoročne i dugoročne mjere*.

R2: Pokrenuti i pratili inicijative za donošenje legislativa u Federaciji BiH koje smanjuje mogućnosti za koruptivne radnje tokom dobijanja dozvola izgradnje MHE te destimulišu poticaje za njihovu gradnju.



R3: Pokrenuti inicijativu za usvajanje Zaključka o moratorijum na izgradnji MHE na Narodnoj Skupštini Republike Srpske.

Projekat je direktno imao uticaj na 3 investitora planiranih hidroenergetskih projekata ali i na donosiocce odluka pri javnim organima vlasti. Također, antikoruptivne inicijative i zagovaračke kampanje su se snažno pomovisale putem PR aktivnosti, te se na taj način uticalo na osnaživanje lokanih zajednica i podržao građanski aktivizam, te uvezali različiti OCD iz oba entiteta.

Korisnici projekta su primalno bili građani tri pogođene općine na kojima je planirana gradnja spornih hidroenergetskih projekata, te tri građanske grupe, odnosno bar po jedna za svaki entitet, što uključuje predstavnike OCD-a. Ukupan broj građana koji su korisnici projekta je preko 300.

Opis pozadine projekta: Hidroenergija se u BiH trenutno promovise i tretira kao čista energija. Međutim, posljedice rada hidroelektrana govore suprotno. Dovoljno je samo pogledati fotografije suhih korita i jasno je da nema uslova za život biljaka i životinja koje zavise od vode, jer voda je život. Ova pogrešna postavka je proizvela nepravednu i štetnu posljedicu – subvencioniranje energije proizvedene u hidroelektranama. Građani i pravna lica, kao potrošači električne energije, prinuđeni su da plaćaju podsticaje tzv. obnovljivih izvora energije, a sredstva prikupljena na taj način se koriste za lični, ekonomski podsticaj proizvođača, odnosno investitora. BiH ima **244 rijeka**, a planirana je izgradnja **više od 400 hidroelektrana**. Pravo na pristup vodi je često uskraćeno građanima općina i mjesnih zajednica gdje se vrši izgradnja hidroelektrana, pod izgovorom ulaganja u tzv. obnovljive izvore energije i u "zelenu ekonomiju" koja bi pored očuvanja okoliša, trebala omogućiti i ekonomski razvoj lokalnih zajednica. Međutim, u praksi dolazi do potpuno drugačije situacije, u kojoj su građani prinuđeni da napuste svoje domove i imanja koja koriste u poljoprivredne svrhe jer gube pristup rijekama i vodi. Način na koji se hidroelektrana grade, naročite male hidroelektrane (MHE) u BiH je u većini slučajeva usko vezan sa koruptivnim djelovanjem i internim dogovorom između investitora i organa nadležnih za izdavanje koncesija, a zatim i okolinske, urbanističke te građevinske dozvole.

Ostvareni rezultati na projektu:

Do završetka projekta, uspješno su postignuti svi planirani specifični ciljevi, te je time došlo do realizacije **sva tri rezultata**. Naime, usporeno je odnosno zaustavljeno **sedam lokalnih** koruptivnih projekata izgradnje malih hidroelektrana u BiH, a gdje se naročito ističu i tri kampanje: **"Budi Mudar Spasi Ugar"** (u sklopu koje se radilo na spriječavanju izgradnje više of četiri MHE na rijeci Ugar u Travniku); **"Ne damo rijeku Bosnu!"** (u sklopu koje se radilo na spriječavanju izgradnje jedne veće MHE na rijeci Bosni u Kaknju, u mjesnoj zajednici Bilješevo) i **"Kucno je zadnji čas: Nema vode nema nas!"** (u sklopu koje se radilo na spriječavanju MHE na Hrasničkom potoku i izgradnji novih mHE na rijeci Željeznici u istočnom Trnovu, RS). Pored navedenih, značajno je istaći uspješno trajno spriječavanja dvije MHE na rijeci Plivi (jedna u neposrednoj blizini vodopada u Jajcu), zatim trajno spriječavanje dvije MHE na Vrbasu u Donjem Vakufu.

Nadalje, uspješno su pokrenute i sprovedene mnoge inicijative za donošenje legislativa u Federaciji BiH koje smanjuje mogućnosti za koruptivne radnje tokom dobijanja dozvola izgradnje MHE te destimulišu poticaje za njihovu gradnju. Jedna od ključnih je svakako usvajanje novog **Prijedloga Zakona o električnoj energiji FBiH**, a koji se tiče sistema subvencija za MHE na način da se ovim novim Zakonom jasno reguliše šta su MHE (a to su svi hidroenergetski objekti do i uključivo 10 MW) i da se obustavlja izdavanje energetskih dozvola za sve mHE, bez kojih se ovi



objekti ne mogu legalno graditi. Tekst i inicijativa usvajanja ovog Zakona je direktan rezultat rada Aarhus centra u BiH, a koji je zatim u suradnji sa Koalicijom za zaštitu rijeka u BiH radio na posebnoj kampanji ubrzavanja usvajanja Zakona što je na kraju rezultiralo **gotovo jednoglasnim usvajanjem ovog Zakona** od strane oba doma u Parlamentu FBiH! Također je bitno istaći i pokretanje inicijativa za usvajanje novog Pravilnika o ekološki prihvatljivom protoku u FBiH, Zakona o prirodi FBiH te Zakona o koncesijama u FBiH. Tokom 2022. usvojen i novi Pravilnik o ekološko prihvatljivom protoku FBiH! Također, uspješno su pokrenute i sporevedene inicijative mjenjanja čak pet pravilnika/uredbi pri Federalnom ministarstvu okoliša i turizma kojim se reguliše rad ovog ministarstva u odnosu na postupke koje se tiču mHE:

- Uredba o projektima za koje je obavezna procjena uticaja na okoliš i projektima za koje se odlučuje o potrebi procjene uticaja na okoliš ("Službene novine Federacije BiH", broj: 51/21 i 33/22);
- Uredba kojom se utvrđuju pogoni i postrojenja koja moraju imati okolišnu dozvolu ("Službene novine Federacije BiH", broj: 51/21);
- Pravilnik o uslovima i kriterijima davanja ovlaštenja nosiocima izrade studije uticaja na okoliš, načinu i kriterijima koje moraju ispunjavati nosioci izrade studije uticaja na okoliš i visini naknade izdavanja ovlaštenja nosiocima izrade studije uticaja na okoliš ("Službene novine Federacije BiH" broj: 19/22);
- Pravilnik o izmjeni pravilnika o uslovima i kriterijima davanja ovlaštenja nosiocima izrade studije uticaja na okoliš, načinu i kriterijima koje moraju ispunjavati nosioci izrade studije uticaja na okoliš i visini naknade izdavanja ovlaštenja nosiocima izrade studije uticaja na okoliš ("Službene novine Federacije BiH" broj: 36/22);
- Pravilnik o načinu formiranja i rada stručnih komisija za ocjenu studija o procjeni uticaja na okoliš u postupku izdavanja okolinske dozvole za pogone za proizvodnju hidroelektrične energije ("Službene novine Federacije BiH", broj: 9/21).

Dalje, što se tiče RS-a, uspješno je postignut rezultat br. 3, na način da je Narodna Skupština usvojila Deklaraciju o zaštiti rijeka Republike Srpske, a kojom se zabranjuje dalja izgradnja MHE u RSu te nalaže preispitivanje izdatih koncesija za izgradnju ovih objekata. Nakon toga došlo je i do velikog uspjeha kada je Narodna Skupština uvažila većinu komentara Aarhus centra koji je također i sa drugim kolegama iz Eko BiH mreže vršio pritisak da se komentari uvažavaju na način da novi Zakon o korištenju obnovljivih izvora energije i efikasne kogeneracije RS-a izmjeni tako da se više ne izdaju subvencije odnosno podsticaji za mHE. Na 20. redovnoj sjednici Narodne skupštine Republike Srpske koja je održana 10.2.2022. godine usvojen je novi Zakon o obnovljivim izvorima energije RS kojim se ukida davanje podsticaja za male hidroelektrane veće snage od 150 kW!

Praćeni pozitivnom primjerom u RS-u, u završnoj fazi projektne implementacije, projektno osoblje je pokrenulo i dvije nove inicijative u FBiH da se novi Zakon o korištenju obnovljivih izvora energije i efikasne kogeneracije izmjeni na način da se više ne vrši podsticanje izgradnje MHE, te i još korak naprijed, da se MHE uopšte ne smatraju kao obnovljiv vid energije. Uporedo je pokrenuta i kampanja za ubrzavanje usvajanja Zakona o koncesijama u FBiH na način da se obustavi izdavanje koncesija za ove objekte.

U sklopu projekta imali smo na sedmičnoj osnovi bar jedno Saopštenje za medije, te česta gostovanja i obraćanja prema medijima poput BHRT, TVSA, FTV i sl. U sklopu pokrenutih inicijativa smo objavili kampanje na ukupno šest velikih bilborda, te organizovali djeljenje pormotivnih materijala u vidu majica (cc 80), plakata (8 velika) i maski za zaštitu od COVID-19 (150 maski).



- **OPŠTINE BEZ BRANA**

Aarhus centar od 1.1.2020. godine u partnerstvu sa češkom organizacijom Arnika, Centrom za životnu sredinu, Centrom Stjepan Bolkay i Eko Gotušom realizirao projekat Opštine bez brana koji je okončan 31.12.2022. godine. U sklopu projekta Aarhus centar je imao zadatak voditi pravne slučajeve u kontekstu zaštite rijeka od gradnje malih hidroelektrana, te aktivno učestvovao u pripremi edukativnog materijala poput publikacija, izvještaja i brošura o temama kao što su koncesije, izvještaj o implementaciji Aarhuske konvencije i sl. U sklopu projekta je organizirana ljetna škola o zaštiti rijeka kao i okrugli stol na temu izmjena i dopuna Zakona o koncesijama FBiH čiji je prijedlog pripremljen od Aarhus tima. Za Aarhus centar u BiH, iznos granta je iznosio: **27.630 KM.**

- **ZAŠTITIMO NAŠE ŠUME**

Aarhus centar je dana 24.10.2022. godine započeo sa realizacijom projekta Zaštitimo naše šume sa ciljem zagovaranja usvajanja Zakona o šumama FBiH ali i pružanja pravne podrške lokalnim grupama ljudi koji pružaju otpor ilegalnoj sječi, finansira ga USAiD implementiraju Centri civilnih inicijativa (CCI), a Aarhus centar u BiH je dobio grant **u iznosu od 50.000\$.**

- **INTER- FAITH DIALOGUE IN WESTERN BALKANS ON CLIMATE CHANGE**

Projekat je realiziran u periodu cijele 2022. godine. Osnovni cilj projekta je povezivanje i približavanje religijskih zajednica sa okolišnom temaikom. Donator projekta je ECF. **Ukupni budžet projekta je: 9.400,00 eura.**

III. Ostale aktivnosti

U 2022. godini Aarhus centar Sarajevo aplicirao je sa 6 projektnih prijedloga od kojih su 3 odobrena.

U 2022. godini imali smo sljedeću medijsku pokrivenost:

Dali smo više od 200 izjava (za tv kuće, radio i printani mediji) od toga:

- TV kuće 70
- Radio 10
- Printani mediji 120

Objavili:

- Preko 100 web članaka
- 350 galerija fotografija
- 8 youtube videa

O nama su snimili emisije na BHR1, te BHTV u okviru emisije Ekologika, RTVFBiH, TVSA kao i inostranim Al Jazeera. O našim aktivnostima tokom 2022. godine su prenesene obavijesti na preko 80 različitih domaćih i stranih portala, i više od 60 printanih medija.



Problemi/Poteškoće prilikom rada Udruženja:

Udruženje, kao i mnoge druge nevladine organizacije ima problem samoodrživosti, naročito što se tiče održavanja kancelarijskog prostora, čiji izdaci uključuju rentu od cc 300 BAM, plus tekući računi za korištenje električne energije, vode, grijanja, održavanje objekta i sl.

Udruženje ima poteškoće prilikom obezbjeđivanja finansijske naknade radi angažovanja novog radnog osoblja, a što je usko povezano sa problemom samoodrživosti Udruženja. Međutim, tokom 2022. Udruženje je dobilo još jednog radnika, u stalnom radnom odnosu, te tri eksterna saradnika. Jedna eksterna saradnica je napustila Udruženje.

Sarajevo, 5. maj 2023.
br. 02-206/23

Pripremila:



Izvršna direktorica Udruženja "Resursni Aarhus centar u BiH:"

Emina Veljović, LL.B; B. pravnih studija; M.A.



Broj: 01-206-1/23
Dana, 5.5.2023.

Zapisnik sa prve redovne Skupštine Udruženja

Datum	Mjesto	Svrha sastanka	Zapisnik pripremila
5.5.2023. od 17:00 h do 19:00 h	Udruženje "Aarhus centar u BiH"	Održana prva (1) redovna Skupština Udruženja	Emina Veljović

Generalno:

Dana 5.5.2023. (petak) predsjednica Skupštine Udruženja "Aarhus centar u BiH," Nina Kreševljaković je organizovala prvu (1) redovnu godišnju Skupštinu sa ciljem da članovi Udruženja budu upoznati o radu Udruženja za prethodnu godinu, kao i radi raspravljanja o tekućim pitanjima o radu Udruženja.

Dnevni red:

1. Usvajanje Dnevnog reda prve (1) redovne sjednice Skupštine Udruženja.
2. Usvajanje Izvještaja o radu za 2022. Udruženja "Resursni Aarhus centar u BiH."
3. Predstavljanje bilansa stanja i uspjeha Udruženja za 2022. godinu.
4. Razno.

-Predsjednica Skupštine, Nina Kreševljaković je prisutnim članovima prezentirala prijedlog Dnevnog reda, nakon čega su ga svi članovi Skupštine jednoglasno usvojili.

-Predsjednica Skupštine, Nina Kreševljaković je zatim pozvala izvršnu direktoricu da predstavi Izvještaj o radu za 2022. Udruženja "Resursni Aarhus centar u BiH."

-Izvršna direktorica, Emina Veljović je detaljno predstavila Izvještaj o radu za 2022. Udruženja "Resursni Aarhus centar u BiH." Nakon toga, izvršna direktorica je predstavila bilansa stanja i uspjeha Udruženja za 2022. godinu. Prisutni članovi Skupštine nisu imali primjedbe ni dodatne komentare na predstavljene izvještaje, koji su jednoglasno usvojeni.

-Predsjednica Skupštine, Nina Kreševljaković je pokrenula temu članarine Udruženja, zajedno sa članom Skupštine Udruženja, Denisom Žiškom, a koji su predložili da se godišnja cijena članarine poveća sa aktuelnih 20,00 KM na 100,00 KM kako bi svi članovi iskazali posvećenost ovom Udruženju. Izvršna direktorica je istakla da se slaže sa ovim prijedlogom, s obzirom da su uvećani



troškovi rada Udruženja, kao i da određeni članovi Skupštine uredno ne plaćaju članarinu, niti redovno prisustvuju organizovanim sjednicama Skupštine Udruženja niti nastoje pomoći u radu Udruženju, te da bi ovaj iznos trebao biti motivacija za sve članove Udruženja da adekvatnije podrže rad istog.

-Prisutni članovi Skupštine, Samir Bašić, Samir Lemeš, kao Ninoslava Radović su iznijeli kontraprijedlog, da članarina ipak bude povećana na 50,00 KM, s obzirom da smatraju da je iznos od 100,00 KM preveliki. Ovaj stav je podržala i članica Skupštine, Sanela Habeš. Nakon toga je uslijedilo glasanje i svi prisutni su se usaglasili da povećanje članarine bude ipak 50,00 KM.

-Izvršna direktorica, Emina Veljović je također predložila noveliranje Statuta Udruženja u cilju boljeg regulisanja statusa članova Udruženja. Nakon toga je uslijedilo glasanje i svi prisutni su podržali noveliranje Statuta.

Zaključci:

- Dostaviti Izvještaja o radu za 2022. Udruženja "Resursni Aarhus centar u BiH" Ministarstvu pravde BiH .
- Pripremiti Odluku o povećanju članarine sa opomenom o isključenju za one članove Skupštine koji nisu uredno izvršili uplatu članarine za 2022. godinu.
- Pristupiti noveliranju Statuta Udruženja u cilju regulisanja statusa članova Udruženja.

-Prilog uz Zapisnik, Spisak učesnika, br. 01-206/23 od 5.5.2023.

Predsjednica Skupštine Udruženja:

Nina Kreševljaković, LLB



Zapisničarka sjednice:

Emina Veljović, M.A.










Broj: 01-206/23
Dana, 5.5.2023.

Spisak učesnika sa prve godišnje Skupštine Udruženja

Datum	Mjesto	Svrha sastanka	Spisak pripremila
5.5.2023. od 17:00 h do 19:00 h	Udruženje "Aarhus centar u BiH"	Održana prva (1) redovna Skupština Udruženja	Emina Veljović

Prisutni:

- Nina Kreševljaković, predsjednica Skupštine Udruženja "Aarhus centar u BiH;"
potpis: 
- Emina Veljović, izvršna direktorica Udruženja "Aarhus centar u BiH;"
potpis: 
- Ninoslava Radović, član Udruženja;
potpis: 
- Alma Mirvić, članica Udruženja;
potpis: _____
- Samir Bašić, član Udruženja;
potpis: 
- Samir Lemeš, član Udruženja;
potpis: 
- Maja Mirković, članica Udruženja;
potpis: 
- Amila Čitak, članica Udruženja;
potpis: 



-
- Denis Žiško, član Udruženja;

potpis:

- Sanela Habeš, članica Udruženja;

potpis: